

ANTES LORON 18 FULAN MARSU 2019, GOVERNUN BELE SELU ONA ASAUN PARTISIPASAUN CONOCOPHILLIPS NO SHELL NIAN

Gabinete Primeiru Ministru. 7 Marsu 2019

Dili, 7 Marsu 2019: S. Exa. Primeiru-Ministru Taur Matan Ruak afirma, antes loron 18 fulan Marsu 2019, Governu bele ona selu asaun Partisipasaun ConocoPhillips no Shell nian iha atividade petrolífera kampu Greater Sunrise nian, tanba daudaun ne'e prosesu sira kona-ba pagamentu la'o namanas loos atu selu tuir kokordánsia ne'ebé iha ona entre kompañia petrolífera ho Governu.

“Fulan ida ne'e ita tenke selu, tanba ne'e prosesu la'o maka'as loos, ha'u espera ke antes dia 18 Marsu ita selu ona”, dehan Xefe Governu ba jornalista sira hafoin remata enkontru semanal ho Xefe Estadu iha Palasiu Prezidente Nicolau Lobato kinta feira ne'e.

Xefe Governu realsa, esplorasun petrolífera refere, atu sustenta vida Estadu nian ba tempu naruk, no atu fó benefisiu ekonómiku no sosiál ba timoroan sira no mós atu kontribui ba hamenus dezempregu iha rai-laran tanba se Governu la book iha kampu Greater Sunrise mak fundu petrolíferu ne'ebé daudaun iha sei hotu lalais, tanba la iha fundus seluk atu kontribui tanba funu petrolíferu.

Hatán kona-ba preokupasaun Bankada opozisaun nian ne'ebé duvida katak dada kadoras mai Timor-Leste iha risku boot, Xefe Governu hatán katak: ***“Risku boot liu ba timoroan sira maka mate! Mate mós ita ba hasoru tanba saída? Para Ukun An! Tanba saída mak ita la assume risku? Sé mak la brani assume risku, nia nunka bele susesu iha nia-vida, tantu individual no mos ba nasaun no povu”***.

Tanba ne'e Xefe Governu apela ba sidadaun sira, sociedade sivíl na ema hotu atu fó konfiansa ba Governu ida ne'e iha prosesu dada kadoras mai Timor, hodi lori benefisiu ekonómiku no sisal ba Timor-Leste.